

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2444 del 09/08/2022

Traduzione in ladino

L EuregioSummerCamp 2022 l é scomenzà a Brentonico per 60 joegn

Presciapèch 60 joegn che vegn da duc e trei i teritories del Euregio Tirol – Sudtirolo – Trentin i tolarà pèrt al EuregioSummerCamp 2022 che chest an l vegn endrezà a Sèn Valantin, col dit “Natura scontra Cultura”. La setemèna de ativitèdes che la se serarà su ai 14 de aost la é tachèda ofizialmenter en domenia ai 7 de aost con na curta zerimonia endrezèda via per l domesdi.

Per l president del Euregio e de la Provinzia Autonoma de Trent, l é n event che desmostra l voler de chesta organizazion de ge dèr l met ai joegn de cognoscer miec la oportunitèdes perferides dal Euregio e proèr de persona che che l é chesta colaborazion che va sorafora la seides. Per l Secretèr Generèl del GECT Tirol – Sudtirolo – Trentin, Marilena Defrancesco “l Summer Camp l é na ocasion de piu per binèr adum i joegn di trei teritories e ge dèr l met de se fèr ite, jir sorafora i limic linguistics e cognoscer i fac storics e la carateristiches d’aldidanché di trei teritories touc ite tel projet”. Endrezà tel raion naturèl del sompian de Brentonico, l camp l sostegn defat la cooperazion e l dialogh anter i joegn del Euregio, tegnan su l slogan de la Presidenza Trentina 2021-2023: l Euregio l é joen.

Co la soravèrda de personal profescionèl bilingue, i joegn i pel descoriger l Euregio e sie endrez de gra a ativitèdes de delet e a l’avèrta.

L dit del EuregioSummerCamp de chest an l é “Natura scontra Cultura”. Te la raides che vegn fat dintorn Brentonico i joegn i descorigesc e i pel cognoscer polito la storia che sie teritories i à a una, con valivanzes e desferenzenzes. Se va sorafora i impedimenc, desche la desferenzenzes linguistics, tras ativitèdes de spas e de delet de gra al didament di compagnadores che rejona l lengaz mère di bec, todesch o talian. N rich program de ativitèdes da fèr tel temp ledech sera su la setemèna dedichèda al EuregioSummerCamp.

L EuregioSummerCamp l se ouc ai joegn nasciui ti egn 2008/2009/2010 (demò per l Tirol enche chi nasciui del 2007 enscin al 01.09.2007).

Per maora informaziuns en cont del EuregioSummerCamp drucà chesta direzion:

<https://www.europaregion.info/it/summercamp/>

Traduzion di Servijes Linguistics e Culturèl del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)